

**ZAPISNIK SA 3. SJEDNICE TAKMIČARSKO SUDIJSKE KOMISIJE
SPORTSKO RIBOLOVNOG SAVEZA FEDERACIJE BiH**

**Sastanak održan u prostorijama SRS.F.BiH , Kemala Kapetanovića 17 u
Sarajevu 12.06.2008 godine sa početkom u 9,00 časova .**

Prisutni : Hajrulahović Rasim , Jagar Milan, Hadžić Ermin

D N E V N I R E D

- 1. Usvajanje zapisnika sa prethodne sjednice**
- 2. Pregled izvještaja Delegata i Vrhovnih sudija sa takmičenja :**
 - Udruženskih SRT**
 - Prvenstva Federacije za seniore – Jelah**
 - Prvenstva Federacije za seniorke i ostale kategorije –Drivuša**
 - Izvještaj o polaganju sudijskih ispita na SRT za seniore u Jelahu**
- 3. Informacija o ovjeri sudijskih dokumenata i uplati sudijske članarine**
 - Donošenje odluke o sudijama koji nisu ovjerali sudijske dokumente za 2008 godinu**
 - Zauzimanje stava o sudijama koji nisu izmirivali obaveze prema Sudijskoj organizaciji**
- 4. Donošenje odluke o davanju saglasnosti komisiji za polaganje sudijskih ispita na SRT koje se održava u mjestu Ključ na rijeci Sanici**
- 5. Razmatranje ponude za štampanje sudijskih dokumenata sa oznakom SRSFBiH .**
- 6. Donošenje odluke o izradi pečata za Sudijsku organizaciju i Takmičarsku komisiju SRSFBiH .**
- 7. Donošenje odluke o konačnim plasmanima na takmičenjima koje je organizovao SRSFBiH u 2008 godini**
- 8. Razmatranje prijedloga uvođenja :**
 - Naloga za suđenje sudijama**
 - Zahvalnica za domaćine takmičenja, službene predstavnike i sudijama**
- 9. Podnijeti pismeni zahtjev Takmičarskoj komisiji SRSBiH da se dostave kopije izvještaja Delegata i Vrhovnih sudija sa do sada održanih takmičenja iz kojih se mogu vidjeti odziv sudija i njihove ocjene za suđenje .**
- 10. Zahtje UO SRSFBiH da donese odluku o imenovanju tri (3) člana u Sudijsku komisiju SRSBiH i da istu dostavi Upravnom odboru SRSBiH .**

11. Izrada izvještaja sa svih SRT koja su održana u 2008 godini sa finansijskim izvještajem za svako takmičenje .
12. Zauzimanje stava i odgovor na dopis sudija iz Unsko Sanskog Kantona .

AD/1

Zapisnik sa prethodne sjednice dostavljen svim članovima Takmičarsko Sudijske komisije SRSFBiH kao i kancelariji SRSFBiH .
Zapisnik usvoje jednoglasno

AD/2

Nakon kraće rasprave po ovoj tački dnevnog reda donosi se sljedeći zaključak :

Za 2008 godinu da se verifikuje ovakav način rada ,a da se svim udruženjima upute dopisi da za 2009 godinu moraju da dostave svu propisanu dokumentaciju sa udruženskih takmičenja kako bi mogli nastupiti na takmičenjima koje organizuje SRSFBiH .

- izvještaj Vrhovnog sudije (državni sudija)
- izvještaj Delegata (državni sudija iz drugog udruženja)
- Dnevnik takmičenja (ovjeren od strane Vrhovnog sudije , Delegata i Sekretara suđenja)
- Prijavu takmičara

Ukoliko dokumentacija ne bude potpuna neće se dozvoliti takmičarima nastup na takmičenjima koje organizuje i provodi SRSFBiH .

Za svakog takmičara i ekipu izvršiti registraciju . Uvode se takmičarske knjižice na nivou SRSFBiH .

Registracija ekipe 100 ,00 KM

Registracija pojedinca sve kategorije 10,00 KM

Registracija se obnavlja svake godine .

Za ovu takmičarsku sezonu iznenađujuće veliki broj takmičara (duplo veći od planiranih) je ukazao potrebu za razdvajenje kategorija u više termina i staza .

Ukupna ocjena takmičenja je vrlo dobra, a manjkavosti koje su uočene potrebno je otkloniti u narednoj takmičarskoj sezoni.

Takmičarska staza Drivuša nije pogodna za takmičenje mlađih kategorija potrebno je doraditi stazu tj prilagoditi je za bezbjedan lov za mlađe kategorije za naredna takmičenja . Ručak na Drivuši nije bio odgovarajući (žalio se veći broj takmičara)

Delegatski izvještaji i izvještaji Vrhovnih sudija pokazuju da je suđenje bilo odlično kao i organizacija takmičenja .

Na polaganju sudijskih ispita u Jelahu koji je provela komisija SRSFBiH U sastavu :

- Hajrulahović Rasim
- Jagar Milan
- Fuad Vrgovčević

Sudije su pokazale odlično znanje na pismenom , usmenom i praktičnom dijelu i svih 14 prijavljenih kandidata su sa uspješno završili polaganje ispita za sudije .

AD/3 Sve sudije koje nisu izvršili obaveze prema sudijskoj organizaciji u proteklom periodu moraju uplatiti zaostatak članarine u iznosu od 10,00 KM po godini (maksimalno 50,00 KM) ili se neće uvrštavati za suđenje na takmičenjima koje organizuje SRSFBiH .

AD/4 Predloženo je da se donese odluka o davanju saglasnosti za formiranje komisije za polaganje sudijskih ispita na SRT koje organizuje SRSFBiH a održava se u Ključu na rijeci Sanici .Predložena je komisija u sastavu :

- Miro Vrljićak
- Milorad Čurčić
- Marcel Kučinski

Sudijsko takmičarska komisija poslije kratke rasprave donosi odluku kojom se odobrava gore pomenutoj komisiji da ispita sudije koje se prijave na takmičenju u Ključu vodeći računa o tome da kandidati izvrše uplatu po pravilniku ,jer im se u suprotnom neće izdati odgovarajući dokumenti .

Odluka je donesena jednoglasno .

AD/5 Provedena je rasprava oko izgleda budućih dokumenata :

- Akreditacije za sudije
- Sudijske legitimacije
- Licence za sudije

Naziv za sudije : UDRUŽENSKI SUDIJA
ENTITETSKI SUDIJA
DRŽAVNI SUDIJA

Prijedlog je da se ukine oznaka A;B;C; a da se umjesto nje ugradi grb SRSFBiH Sve ovo što je predloženo treba dizajnirati i prezentovati Upravnom odboru SRSFBiH na usvajanje , a ujedno uskladiti i Pravilnik sa pomenutim izmjenama

AD/6 Predloženo je da se donese odluka o izradi pečata za potrebe Sudijske organizacije SRSFBiH i Takmičarske komisije SRSFBiH .

Nakon rasprave donosi se odluka da se Upravnom odboru predloži da odobri sredstva za izradu oba pečata .

Dizajn pečata da bude isti kao i pečat SRSFBiH samo manjeg formata i sa natpisima : Sudijska organizacija SRSFBiH i Takmičarska komisija SRSFBiH .

Odluka usvojena jednoglasno .

AD/7 Usvajanje konačnog poretka na takmičenjima koja su provedena u organizaciji SRSFBiH u 2008 godini (Lov ribe udicom na plovak) a održana su u Jelahu i Drivuši .

Nakon kratke rasprave predloženo je da se pomenuti plasman verifikuje i da se usvoji odluka o usvajanju konačnog poretka na takmičenjima koja su održana u

Jelahu 17i 18 05.2008 godine za seniore ekipno i pojedinačno i u Drivuši 14.06.2008 godine za seniorke i mlađe kategorije ekipno i pojedinačno .
Izveštaji su sastavni dio ove odluke .
Odluka je donesena jednoglasno .

AD/8 Predlaže se Upravnom odboru SRSFBiH da se uvede :

- Nalog za suđenje
- Zahvalnica za domaćina takmičenja
- Zahvalnice za službene predstavnike i sudije na takmičenjima
- Značke za zasluge(zlatna ,srebrena ,bronzana)

Zahvalnice i značke uručivati na godišnjoj skupštini SRSFBiH .

AD/9 Predlaže se Upravnom odboru SRSFBiH da donese odluku o imenovanju tri(3) člana u Sudijsku komisiju SRSBiH te istu u pismenoj formi dostavi Upravnom odboru SRSBiH .

AD/10 Finansijski izvještaj sa tamkičenja do sada održanih u organizaciji SRSFBiH uraditi kako bi se mogli planirati troškovi za narednu takmičarsku sezonu .

Za pravljenje finansijskog izvještaja zadužen sekretar SRSFBiH .

Ad/11 Odgovor sudijama iz Unsko -Sanskog kantona .

SRSFBiH u toku 2008 godine organizuje TRI takmičenja i na ta takmičenja Takmičarsko sudijska komisija SRSFBiH je delegirala sudije .

Na jednom od ta TRI takmičenja delegirane su sudije iz Vašeg kantona ,a na ostalim takmičenjima sudile su sudije koje se nalaze najbliže mjestu održavanja takmičenja radi smanjenja troškova suđenja .

Nadamo se da imate razumijevanje za naša nastojanja da se troškovi takmičenja svedu na što je moguće manju mjeru .

AD/12 Molba za formiranje komisije za polaganje sudijskih ispita za društvene sudije na takmičenju koje će se održati na Karaotoku 28i 29 . 06 2008 godine .

Takmičarsko sudijska komisija donosi odluku kojom se odobrava polaganje sudijskih ispita na takmičenju u lovu ribe na plovak na Karaotoku .

Imenuje se komisija u sastavu :

Vrgovčević Fuad - Državni sudija

Omerbašić Šefik - Državni sudija

Jagar Milan - Državni sudija

Odluka je donesena jednoglasno .

Sastanak je završen u 18,00

Predsjednik Takmičarsko sudijske komisije

Rasim Hajrulahović

